

Transkription von Urkunde HST 1368d

Ort, Datierung: Stralsund, 1368-06-24

Signatur: Stadtarchiv Hansestadt Stralsund, StU 0445 [\[online\]](#)

Inhalt: Rat der Stadt Stralsund: Rentenverkauf

Vy borghermestere vnde ratmanne der stad tome stralessunde also herman / van deme rode . hinc(ik) schele bertram wulflam Johan wreen ludeke van / kûlpen hinc(ik) drûdener herman van dorpen albrecht broyeland herman / rÿbe thideman van biuen ¹ bekennen vnde betûghen openbare an desser scrift dat wi / hebben verkocht reddeliken vnde rechtliken mit eyner menen endracht vn(de) / mit beradenen mode . Her Jacob plescowen eneme borghermestere to lubeke / vnde synen rechten erfnamen vnde nauolgheren vif vnde seuentigh mark / gheldes vnser mûnte . Dese vorbenomede(n) viif vnde deuentigh mark ghel=/des schole wi vtgheuen to twen tiden yewelkes yares . her Jacob plescowen / efte syneme rechten boden wene he dat beuelet vp toborende bynne(n) vn=/ser stad tome unde . also uppe wynachten achte halue mark vnde dortigh / vnde to sûnte Johannes dagh to midden somer achte halue mark vnde / dortigh sunder yenegherleye hinder dese vorbenomede(n) viif vn(de) seuen=/tigh mark gheldes hebbe wi deme vorbenomede(n) her Jacob plescowe(n) vnde / synen rechten erfnamen verkocht vor neghenhundert mark vnser penyn=/ge de wi untfangen hebben vnde an vnser stad nud ghekeret hebbe(n) / Vnde dese yarlikes renthe schal vrÿg wesen vorschot vnde allerleye vn=/gheld vnde denst vnser stad to dônde Vortmer so verbinde wi vns in / desseme breue , dat wi desse vorbenomede renthe scholen vtgheuen vm=/beworen also vorscreuen steÿt sunder hinder yeneghes orloghes efte hin=/der yeneghes p(er)sonen he sy ghestlik edder werlik Vortmer were dat wi desse renthe vorbenomet nicht vtgheuen vppe de tyd vorbenomet wat / schaden de vorbenomede her Jacob plescowe vnde syne erfnamen dar af / nemen den schole wi en vprichten Vortmer so hebbe(n) vns Her Jacob / plescowe vorbenomet vnde syne erfname(n) ghegheuen Den wedderkoop / Desser renthe vorbenomet dervrû(n)tschop willen De se mit vns hebbe(n) dat wi desse vorbenomede(n) viif vnde seuentigh mark gheldes moghen wed=/derkopen wan wi willen vor neghenhundert mark sundescher mûnte / Vnde wan wi des willen hebbe(n) so schole wi her Jacob plescowen efte syne(n) / rechten erfnamen vorscreuen to seggen eyne half yar to voren vn(de) ghe=/uen en ere neghenhundert mark vorbenomet mit der renthe also id sik denne bored also to wÿnachten vnde sûnte Johannes dagh vorbenomet / An ene betûgnisse vnde bekenntnisse desser stücke de vorscreuen stan so heb=/be wi vnser stades grote Ingheseghel van vnser rechten witschop vor / dessen bref gheghangen vnde is ghegheuen in der stad tome unde / na ghodes bord dusent yar drehundert yar yn deme achte vn(de) sosti=/ghesten yare yn deme daghe sunte Joh(annes) baptisten also he gheboren

¹ es folgen 19 Namen